

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ՓԵՏՐՎԱՐԻ 3-Ի N 123-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

<<Առողիտորական գործունեության մասին>> Հայաստանի Հանրապետության օրենքի 21-րդ հոդվածի 1-ին և 3-րդ մասերին, <<Լիցենզավորման մասին>> Հայաստանի Հանրապետության օրենքի 13-րդ հոդվածի 1-ին մասին համապատասխան` Հայաստանի Հանրապետության կառավարությունը **ո ր ո ղ ու մ է.**

1. Հայաստանի Հանրապետության կառավարության 2005 թվականի փետրվարի 3-ի <<Առողիտորական որակավորման քննությունների անցկացման կարգը և քննությունների ծրագիրը հաստատելու մասին>> N 123-Ն որոշման մեջ կատարել հետևյալ փոփոխությունները և լրացումը`

1) ուժը կորցրած ճանաչել 1-ին կետը.

2) 1.1-ին կետից հանել «մինչև նրանց հավատարմագրումը» բառերը.

3) 1.3-րդ կետում <<1-ին կետի <<ա>> ենթակետով հաստատված կարգով>> բառերը փոխարինել <<1.4-րդ կետի <<ա>> ենթակետով սահմանված դրույթներով>> բառերով.

4) լրացնել հետևյալ բովանդակությամբ նոր` 1.4-րդ կետով.

<<1.4 Սահմանել, որ`

ա) առողիտորների որակավորման քննություններն անցկացնում է Հայաստանի Հանրապետության կառավարության կողմից հավատարմագրված մասնագիտացված կառույցը (այսուհետ` մասնագիտացված կառույց): Քննությունների արդյունքների համաձայն առողիտորի որակավորման վկայականները շնորհում է լիազորված մարմինը` քննությունների արդյունքների մասին տեղեկություններն ստանալու օրվան հաջորդող հինգ աշխատանքային օրվա ընթացքում.

բ) առողիտորների որակավորման քննություններն անցկացվում են Հաշվապահների միջազգային դաշնության (այսուհետ` ՀՄԴ) կրթական ստանդարտներին համապատասխան կազմված ծրագրով (այսուհետ` որակավորման քննությունների ծրագիր), որը պետք է ներառի հետևյալ բաժինները`

Ֆինանսական հաշվառման հիմունքներ

Ֆինանսական տեղեկատվություն կառավարման համար

Իրավագիտության հիմունքներ

Հայաստանի Հանրապետության հարկային օրենսդրություն

Ֆինանսական կառավարում և վերահսկողություն

Ֆինանսական հաշվետվությունների պատրաստում

Առողիտ և ներքին վերահսկողություն:>>:

2. Մինչև սույն որոշումն ուժի մեջ մտնելն առողիտորների որակավորման քննությանը մասնակցելու համար լիազորված մարմին դիմած դիմողների քննություններն անցկացվում են Հայաստանի Հանրապետության կառավարության 2005 թվականի փետրվարի 3-ի N 123-Ն որոշմամբ հաստատված` լիազորված մարմնի կողմից առողիտորների որակավորման քննությունների անցկացման կարգին համապատասխան:

3. Սույն որոշումն առողիտորի որակավորման վկայական ունեցող և վերջին երեք տարվա ընթացքում առնվազն մեկ տարի որևէ առողիտորական ընկերությունում որպես առողիտոր աշխատած անձանց վրա տարածվում է սույն որոշումն ուժի մեջ մտնելուց հետո 30 ամիս հետո: Գործող վկայականների ժամկետը լրանալու դեպքում դրանց գործողության ժամկետը երկարաձգվում է մինչև սույն կետում նշված երեսունամյա ժամանակահատվածը լրանալը:

4. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Տիգրան Սարգսյան